

Transkription von Stadtbucheintrag SWN 1490a

Ort, Datierung: Schwerin, 1490-03-03

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 44a

Inhalt: Clawes Steiger: Schuldurkunde; Hinrick Busse: Schuldurkunde; Blasius Wulff: Schuldurkunde; Metke Vos: Verpfändung; Jacop Vos: Nutzungsrecht; Jacop Vos: Eigentumsrecht; Hinrik Grabovisse: Schuldurkunde; Taleke Kroghers: Immobilienrente; Marthen Kone: Schuldurkunde

Bemerkung: 1489-1491

Item clawes steiger is schuldich clawes Hoyer(e) vnsem(e) Borghermester(e) dre mark vnde ene(n) schillinge(n) / dar settet he vor(e) to bewaringhe ene morg(e)n ackers beleg(e)n up dem(e) Ostorper velde aff Ine zit dem(e) / knaken krutze neghest vorscrifften den mach messen vndte synen mesz dar vth buwen Signat(um) / die quo dinedate supra /

Item Hinrick busse is schuldich Her Hinrick Koninghe vicario des Rades vicarie altohand vorgescr(euen) vnde sinen / nakomeling(e)n veftich lub(esche) mark dar settet he vor(e) to bewaringhe zin hus mit siner tobehoringe in der ersten / scrifft vnde synen grotesten besten Ambalta den schal em(e) vnde sinen nakomeling(e)n vor(e) gheuen to Re(n)te / alle Jar to paschen dre mark vnde dat to segg(e)nt des wedderkopes vnde der vth losinghe schal Hinr(ick) / busse vorben(omet) allenen heb(ben) in so verne he de Renthe vorgescreu(en) to willen vth ghifft eyn halff Jar(e) to vor(e)n / to tosegg(e)nde dar an(e) vnde ouer wesen zint Junge willem vnde Thomas Warnekouwe sine zwegher(e) / Signat(um) anno quo supra am(e) Mydweken(e) na Jnuocaut / ¹

It(em) Blasius wulff is schuldich to der suluen vicarie xl m(a)r(k) dar settet he vor(e) zin / hus myt ziner to behori(n)ge vn(de) alle zin gud in der ersten scrifft dar schal he / vor(e) gheuen alle Jar to paschen ij m(a)r(k) vj s(chillinge) v d() vnde dat segg(e)nt der / vthlosinge scholen ze hebben van beyden siden eyn halff Jar(e) to vor(e)n vnde / dat sulue gheld is van dem(e) ghelde dat vnse gnedig(e)n Her(e)n vth loseden vthe / stintendorpe dat tohorede der suluen vicarie , vnde der suluen wise is he schuldich / dem(e) Rade vn(de) der Stad x m(a)r(k) dar schal vor(e) geuen vl s(chilling) vnde vij d() / Signat(um) Anno d(o)m(ini) i(t)c am(e) neghentigest(e)n Jar(e) am(e) Mandage na pynxt(e)n / ²

It(em) is vns witlik dat de Erbar(e) vrowe Metke Clawes vosses nalaten(e) wedewe is geselate mit Her Marten / vosse des vor steru(en) Clawes vulbroder(e) vnde alle synen anderen broderen v(m)me den erffliken anval de en / ghe eghent van eres vorbor(en) broders nagelaten(e) gude Also dat ze en(e) schal gheue(n) xxx m(a)r(k) dar settet / ze en ³ vor(e) tobewaringe er(e) hus myt syner tobehoringe vnde alle ere gud neghest dem(e) ghelde . dat / Clawes Heynen Kynder(e) dar Inne hebbe(n) dar schal ze en vor(e) gheuen alle Jare de wyle . se de bi sik / hefft betalet to sunte Michaelis daghe eren renschen ghulden , sunder am(e) erste Jar(e) schal se sodaner / Renthe vrig zin Signat(um) Anno d(o)m(ini) (it cetera) am(e) Auende Johannis et pauli /⁴

It(em) hefft de Ersam(e) man Jacop vos Borg(er)mester to parchim vnde grote vaghet to zwer(in) xiiij marken / in ener morg(e)n ackers beleg(e)n an deme Kabelen dale by Tidke bruggeman(n)es dede horet

to / Molenbeke hufe . den de sulue Molenbecke buwet dar schal he vor(e) gheuen dem(e) Rade to
zwer(in) / alle Jar(e) ene marken to dem(e) schate vor sodan(en) schat dat den Her(e)n Raden vnde
stad sik behorede / vor den ackeren den de vorben(omed) Jacop vosz der Kerken to zwerin ghesettet
hefft also dat de kerke / vorben(omed) sodanes schates vnde vmplichtich nuth zy Signa(tum) anno quo
supra in die Jo(hannis) et pauli / ⁵

It(em) hefft de sulue Jacop vos xj m(a)r(k) vj s(chilling) in ener morg(e)n ackers beleg(e)n by Knaken
Kruse dede plath / to herende , van essen peter Signat(um) die quo supra / ⁶

It(em) hinr(ik) grabovisse is schuldich Hans . Murren vnser Rades medekompan(e) xl m(a)r(k) dar
settet / he em(e) vor(e) to bewaringhe zin hus mit ziner to behoringe an der ersten scrifft dar schal he
em(e) / vor(e) gheuen to renthe alle Jar(e) to sunte Martensdage ij m(a)r(k) xij s(chilling) . vnd(e) dat
zegge(n)t der / vth losinge schal Hinr(ik) vorben(omed) allen en hebben eynd verdendel Jar(es) to
vor(e)n to tosegg(e)nde / Signa(tum) anno d(o)m(ini) (it cetera) xcprimo sab(ba)^{to} (christi)
Ascens(ionis) d(o)m(ini) / ⁷

It(em) Taleke Kroghers nagelaten(e) husfrouwe Eggherd Krogers hefft x m(a)r(k) in Hermen westuals
huse / negest vorscrifften dar schal er(e) vor(e) geuen to renthe alle Jar(e) to sunte Michilisdage de
vorben(omed) / Herm(en) zin nakomelinge vn(de) de besitter des huses xij s(chilling) vn(de) de
hude sodanes huses schal se beholden / alle dage eres leuend(es) /

Item Marthen kone is schuldich dem(e) visscherghilde x m(a)r(k) dar settet he em(e) vor(e)
tobewari(n)ge / zin husz mit ziner tobehoringe an der ersten scrifft dar schal he em vor(e) geuen alle
Jar(e) to renthe / j m(a)r(k) vppe pynxsten vnde dat to segghent scholen ze an beyden syden hebben
eynd half / Jar(e) ener en dem(e) anderen to vor(e)n to to segg(e)nde Signat(um) anno d(o)m(ini) (it
cetera) xcprimo / am(e) frigidage Na corpor(e) (cristi) / ⁸

¹ 1490-03-11 ?

² gesamter Abschnitt im Original durchgestrichen, 1590-05-31

³ en über der Zeile zwischen z und vor(e) eingefügt

⁴ gesamter Abschnitt im Original durchgestrichen, 1490-06-25

⁵ 1490-06-26

⁶ 1490-06-26

⁷ gesamter Abschnitt im Original durchgestrichen, 1491-05-14

⁸ 1491-06-03